

Табасарандин сес



Табасаран райондин
жямьяьтлугъдинна - политикайин газат



Голос
Табасарана

№ 38 (1182) Жвуми, 20-пи сентябрь, 2024-пи йис (2001-пи йисан 5-пи майдианмина удубч1вур)

Дагъустандиъ бандформированйир дагъитмиш дап1ну 25 йис хьпаз



Табасаран райондиъ «Ватандин Игитарин вахта» проектдин рамкйириъди Дагъустандиъ 1999-пи йисан бандформированйир дагъитмиш аплбаз бахш дап1найи серенжем к1ули гъубхну. Думу райондин культурайин

Хулан дараматдиъ гъабхьну. Серенжемдиъ иштирак хьуз Табасаран райондиз РД-йин милли политикайин ва диндин ляхнарин министр Энрик Муслимов гъафну. Райондиз гъафи делегацияйин дахилнаъ гъацира Уру-

сатдин Игитар Александр Чернов ва Энвер Набиев, Вариурусатдин «Игитарин Урусатдин тешкилат» жямьяьтлугъ тешкилатдин вакилар Ирина Лампартер, Светлана Гурина ва жарадар (Аьхир 2-пи машнаъ.)

Дербентдиъ «Аьдатар уьрхрудар» фестиваль к1ули гъубшну

Дербентдиъ улихьна йигъари халкъарин арайиъ вуйи «Аьдатар уьрхрудар» фестиваль к1ули гъубшну. Думу серенжемдин рамкйириъди к1ули гъубшну «Ц1ийи экономикайин формулйир агури: рынокар, продуктар, креатив индустрияйин кадрйир» пленарный сессия душваъ иштирак гъахь Дагъустандин премьер-министр Аьбулмуслим Аьбулмуслимовди ачмиш гъап1ну. Серенжемдиъ гъацира Дербент шагърин мэр Аьгъмед Къулиев, РД-йин туризмйин ва халкъдин художествойин сянъяьтарин министр Эмин Мерданов, РД-йин цифровой артмиш'валин министр Юрий Гьямзатов иштирак гъахьну.

РД-йин премьер-министри аьдати сянъяьтар уьрхбаъ Дагъустандин асуллагъвал къайд гъап1ну. Гъацира дугъу гъапнуки, креатив индустрия – му, экономикайин артмиш'вал улихъ гъабхураийи къувватси, культурайин ирс уьбхбан ва тарабгъбан къайдара ву.

«Дагъустандиъ халкъдин художествойин сянъяьтари асас йишв бисура, дурар халкъарин асуллагъвалин ва культурайин, наслиан наслиз рукъурайи аьдатар уьрхбан жара даршлу пай ву. Дагъустан – му девлетлу тарих аийи ва жюрбежюр сянъяьтар аийи регион ву. Учуз экономикайин ц1ийи гъакъикъатдиъ лайикълу йишв бисуз вари мумкинвалар ачуз. Учуз лезим вуйи хаммал, ужуб талант аийи устадар,

ужуб продукция ва текрар даршлу культура ачуз. Халкъдин сянъяьтари, месела, заргарвали, халачйир ва жара шейэр урхували, кабчу, гаклиан адат1ували ва керамикайи, ич аьдатар улупруси, дурар гъийин брендариин ва продуктарин бина хьуз къайдара ву», - гъапну Аьбулмуслим Аьбулмуслимовди.

Думут1анна савайи, премьер-министри къайд гъап1нуки, му серенжем чиб-чпиз идеяйиркан пуз, ужударстар тажрубийир гъял аплуз ва региондиъ креатив терефар артмиш аплуз кюмек туврайи стратегйир тартиб аплуз ужуб мукинвал ву.

РД-йин туризмйин ва халкъдин художествойин сянъяьтарин министр Эмин Мердановди республикайиъ креатив индустрия артмиш аплбан планарикан гъапну. Дугъу къайд гъап1нуки, гъаму вахтна республикайиъ министерствойиз табиъ вуйи халкъдин художествойин сянъяьтарин юкьуб кархана гъяракатнаъ а.

«Варит1ан улихъ хъайи карханйиркан саб улихьнаси чан 100 йис хьпан юбилей къайд гъап1ну Къубачийин художествойин комбинат ву. Республикайин руководствойи кюмек аплбаз лигну, комбинат улупнайи вахтнаъ ваъ, хъа дидиз шубуд йис улихьна ц1ийи алап1уб планламиш дап1на. Туристар гъювал ва ду-

(Аьхир 2-пи машнаъ.)

«Ичв хулаз мясляьт» форум гъабхьну

Дагъустан Республикайиъ ккудубшу гъяфтайиъ халкъарин арайиъ вуйи «Ичв хулаз мясляьт» диндин форум гъабхьну. Форумдиз теклиф дап1найи заан дережайин экспертари Мягъячгъалайин вузарин студентарихъди сюгъбатар гъухну.

Форумдин рамкйириъди Москвайин Автомобиларина-рякъярин государствойин техниквалин университетдин Мягъячгъалайиъ айи филиалиъра «Социалин ва рягъимлувалин кюмек» ччвурнакки секция гъабхьну.

Секцияйиъ гъял гъап1у асас тема рягъимлувалин фондар ва дурар рягъимлувалин кюмек тувбаъ иштирак хьувал вуйи. Секция асас вуди Ярхла Востокдин муфтий Рамазан-хазрат Аьлиевди, Урусатдин ЦДУМ-дин Тавричесий муфтиятдин председател Руслан-хазрат Сантвалиевди ва Краснодар крайин Армавир райондин имам Мурат Хуштовди к1ули гъубхну. Душваъ модераторди РД-йин къялан территорияйин округдин Муфтиятдин вари ихтиярар айи вакил Аьбдулла Аджимоллаев вуйи.

Рамазан-хазрат Аьлиевди, Урусатдин ригъ удубч1вру терефнан ругарийин духовествойи рягъимлувалин ляхин фици тешкил дап1наш ва к1ули гъабхураш, ктибтну.

«Учу аьхю ляхин гъабхурача, т1алаб айидариз продуктар туврача – дицдар акцияр секи гъаригъан гъахурача. Акцияр гизаф ву, хъа думу терефнаан учуз аьхирихъси Дагъустан ну муна вучуз. Дагъустан фици саг1и шулуш ва инсанариз кюмек аплуруш, рягъимлувалин ляхниъ фици иштирак шулуш, мисал ву. Учзу кмикиди Дагъустан Республикайиъ, гъадму гъисабнаан РД-йин Муфтиятди, фицдар рягъимлувалин акцияр гъахури шулуш, лигури шулча. Ц1ийи жюрйир агуб лазимра дар, гъяз гъапиш республикайиъ ужудар мисалар, ужуб тажруба а, ва дурар аьгъю аплурача», - гъапну дугъу.

Диндин вакили студентариз инсанар миллетариз ва дин хъап1райивализ жара

дарап1уз дих гъап1ну, гъяз гъапиш диндин асас къайда – му инсандиз кюмек тувбу ву.

Чан терефнаан Мурат Хуштовди уч духънайидариз мусурманди жара инсандиз кюмек аплбан важиблуваликан ва дюз рякъюъди душну ккуниваликан гъапну. Дугъан гафарийинди, фицибушра пише аьгъю аплайиз, инсанди саби нубатнаъ дин аьгъю дап1ну ккунду.

«Дюз ислам аьгъю дап1ну ккунду, думуган гъич сар инсанра дюз рякълан алдауз хьидар. Эгер учуз ислам ва ичв ляхин аьгъяди гъахьш, учзу жарариз кюмекарра аплру ужудар пишекрар хьидичва. Саб мусурманариз ваъ. Учзу Краснодар крайиъ, казакарин, урсарин, грекарин, армянарин арайиъ ача. Учзу вариди, рягъимлувалин фондарин кюмекниинди рягъимлувалин гъагъар уч аплурча ва хъади-хъади СВО-йин иштиракчйириз кюмек тувурча.

Учу вариди, вари миллетарин ва динарин вакилари, Турцияйиъ жилар гъут1урчвган зарал гъабхьдариз, палестинайин аьгъалийириз пул уч гъап1унча. Хъа пандемияйин вахтна яшлуийириз медикаментарин кюмек туври хьуваликан улхурира дарза», - гъапну Мурат Хуштовди.

Диндин вакиларин улхбарин къяляхъ, студентари дурариз суалар тувнийи.

Форумдин аьхирйиъ шагърин аьхюну майдандин шадвалин серенжем гъабхьну. Серенжемдиъ 25 агъзур кас иштирак гъахьну. Душваъ СВО-йиъ актив ляхин гъубху динагълийир, диндин аьлимар лишанлу гъап1ну, серенжемдин гъюрматлу хьлариз пешкешар, 2024-пи йисан терактдиъ гъак1идарин хизанариз РД-йин Муфтий шейх Аьгъмад Эфендийин терефнаан биц1и гъяждиз путевкйир тувну.

Форумдин натижийириинди тьлукъ резолюция къабул гъап1ну, дидиъ серенжемдин асас мяна улупна – ихъ хулаъ мясляьт уьбхюз вари къуватар сарф аплуб.

Аь.РАШИДОВ.

Дагъустандиф бандформированийир дагъитмиш дап1ну 25 йис хъпаз

(Эвел 1-пи машнаъ.)

айи.

Хялар райондин жямаятлугъ-дихъди, жигъиларин тешкилатарин, гъадму гъисабнаан «Сарпидарин гъаракат» тешкилатдин вакиларихъди, СВО-йиан гъаму вахтна отпускариз дуфнай иштиракчийрихъди, юнармейчийрихъди, райондин мектебарий заан классарий урхурайидарихъди гюрюшмиш гъахъну.

Райондин культурайин Хулаъ уч духънайидарихъна тебрикнан гафнинди илт1ик1ури, райондин глава Мягъямед Къурбановди къайд гъап1ну: «Ихъ райондиз хяларин мициб ахъю делегация гъювалиин ухъу шад вухъа. Табасаран район шубур Урусатдин Игит айивалиинди машгъур ву, 500-т1ан зина райондин жигъилар Къягъялвалин орденарихъди лишанлу дап1на. Диди гъарган улькейиз варит1ан гъагъи вахтари ихъ ватангълийрин игитвалин рюгънакан к1ура. Дурари гъарган, сат1и духъну, ихъ улькейиина хайнвал гъап1дариз жаваб туври гъахъну».

Хъасин Мягъямед Къурбановди Табасаран райондин Жямаятлугъ палатайин членар Сулейман Бедирханов ва Алимьягъямед Гъалимов, райондиф къанунар, къайда, жямаятлугъ хат1асузвал урхювал тямин ап1баъ ва муниципалин идара ап1бан къурулуш ва жямаятлугъ жягътлувалар артмиш ап1баъ гъазанмиш гъап1у хъуркъувалариз лигъну, «Табасаран райондин улийхъ лайикълувалариз лигъну» медаларихъди лишанлу гъап1ну. Дурари 1999-пи гъагъи йисан, Ватан бадали инсанар сат1и ап1ури, чпи активно улупну.

Серенжемдиф гъацара Урусатдин Игит Энвер Набиевдиз Табасаран райондин гъюрматлу ватандашдин шагъадатнама тувнийи. Тялукъ ччвур Энвер Набиевдиз улийхънаси



хъуз гъидритуб вуйихъ. Ихъ къувват сабвалиъ айихъ», - гъапну министри. Уч духънайидарин улийхъ Урусатдин Игит Алесандр Черновра удуч1вну гъулхъну. Дугъу къайд гъап1нуки, Ватандихъна вуйи гирами ккунивал багъри хизандилан, мектебдилан, гъуллан ккебгъру. Гъякъикъи ватандашди улькейиз читин вахтна чаз суал тувну ккунду: «Шли, узу дархъиш?», думу гъарган Ватандиз гъуллулугъ ап1уз гъязурди гъузну ккунду.

Уч духънайидарин улийхъ удуч1вну улхури, райондин Жямаятлугъ палатайин председателъ Алиммирза Гъасановди 1999-пи йисандин читин йигъар к1ваин гъап1нийи. Думу вахтна райондин глава вуди, дугъу, чан гафариинди, карабинарихъди яракъламиш духънайи 200 касдикан ибарат вуйи ополченчийрин десте



фиат Гагаевайи Табасаран райондин жигъиларин терефнаан илт1ик1уб гъурхнийи: «Ич саб вазифа айич – Урусатдин Президентдин курсан тереф уьбхюб, саб буржи айич – улькейин гележер», - дупна илт1ик1баъ. Райондин мектебарий урхурайи-



тувнийи.

Табасаран дирбаш эскрарин ватан ву, къайд гъап1нийи Энвер Набиевди. «Табасаран чан игитариинди, чпин дирбаш валиинди имбудар заан гъунарариз рюгъламиш ап1ру инсанар айивалиинди адлу ву. Гъира Табасаран райондин вуйи жигъилари СВО-йи чпи лайикълуди улупура. Табасаран Игитарихъди ва женгчийрихъди таниш хъувалиин гизаф шад вуза», - гъапнийи дугъу.

Энрик Муслимовди уч духънайидар Дагъустандин Глава Сергей Меликовдин терефнаан бандформированийир дагъитмиш дап1ну 25 йис хъувалихъди тебрик гъап1нийи. «Дагъустандин тарихдиф, вари халкъар уч духъну, душмандиз жаваб туври гъахъи мялуматар гизаф а.

Урусатдин Президентди 1999-пи йисандин ополченчийр женгнан гъаракатарин иштиракчийрихъди барабар гъап1ну, гъаз гъапиш нубатнан ражари дагъустанлууйири чпи къягъялвалиинди ва лайикълуди улупну.

Гъаму вахтна ихъ метлеб – динарин ва миллетарин арайиъ наразивалар

гъязур гъап1нийи. Дидистар Ватандин къисматнахъна вижмасузди янашмиш даршлу жигъилар гъи СВО-йи иштирак шула.

Ватан бадали уьмрихъ мягърум гъахъидарин яс ва гъюрмат уьбхюри,

дари тялукъ тематикайин хореографияйин ва вокалин композицийр улупну. Хъа Дагъустандин лайикълу аьртист Арсен Аслановди «Офицеры» мяли ап1руган, залиъ айидар вари ликри гъудужну.



серенжемдиф айидар саб дакъикъайи ккебхънийи.

Хючнаарин лицейи урхурайи Се-

Хусуси мялумат. Нурулла РЯГЪИМОВДИ гъиву шиклар.

Дербентдиф «Аьдатар уьрхрудар» фестивалъ к1ули гъубшну

(Эвел 1-пи машнаъ.)

рарин марагълувал артухъ хъпахъди, халкъдин художествойин сянъагарин комбинатдин продукцияра артухъди иша гъябгъюра. Дици хъувалихъди аьлакълуди республикайин ругариин креатив кластер яратмиш ап1уб лазим шула».

РД-йин туризмийн ва халкъдин художествойин сянъагарин министрин заместитель Анна Безруковайи фестивалъи улькейин жюрбежюр регионариан устадар иштирак шулайиваликан гъапну. Дугъу фестивалъ гъякъикъатдиф креатив индустрия артмиш ап1бан майдан шлувалик умуд кивну.

Сессияйи гъацара Урусатдин экономикайин артмиш валин министерствойин, стратегияйин жягътлуваларин Агентствойин, «Кавказ.РФ» АО-йин, Кафари Къавказ Федералин округдин ва Москвайин «Синергия» университетарин ва улькейин субъектарин вакилар удуч1вну гъулхъну.

Дупну ккундуки, халкъарин ара-йиъ вуйи «Аьдатар уьрхрудар» фестивалъи Урусатдин 20 региондиан 250-т1ан зина устад, гъацара Беларуссияйин, Кыргызстандиан ва Узбекистандиан хялар иштирак гъахъну. Дурари фестивалъи халкъдин художествойин сянъагарин варит1ан адлу экспонатар улупну.

Фестивалъ РФ-йин экономикайин артмиш валин министерствойин, Урусатдин халкъдин сянъагарин Ассоциацияйин, Москвайин «Синергия» университетдин кюмекниинди РД-йин туризмийн ва халкъдин художествойин сянъагарин министерствойи тешкил гъап1нийи.

Аь. РАШИДОВ.

Рякъ гъюру йисан рас ап1иди

Мялум вуйиганси, гъуларин айт1ан ва гъулариз гъягъру рякъяр хъадну ургъру мархъарин, къюрдну гъургъу йифарин къалу штари кми-кмиди къайдайиан адауру. Дурар гъаммишан рас ап1уради ккунду. Гъацар дархъиш, хъасин дурар капиталъно рас ап1уз удуч1вру харжар ахъюдар шулу.

Дупну ккундуки, гъамус гъуларий яшаммиш шулайи гъарсаб хизандин гъягъиди машин а. Гъаддиз агъалийрира кми-кмиди рякъяр къайдайиъ урхювализ асас фикир тувра.

Рякъяр уьмрин даматар ву, к1ури шулу. Расди вуйи рякъяр гъулан девлет ву. Ухъуз рякъюрариганси, аьхиримжи йисари рякъярин расвализра, ц1ийидар тикмиш ап1увализра жавабдар ксари пулин дакъатар гъайиф ап1урадар. Мисалназ, ихъ райондиф ккудубшу йисан 130 километр манзил рякъяр рас гъап1ну, ц1ийидар тикмиш ап1увалин ляхнарра ккергъну.

Саризра жиниб дар, ихъ райондин Пилигъ ва Заан Ягъдигъ гъулариз гъягъру рякъяр фукъан читинвалар кайидар вуйиш. Иллагъки, къюрдну думу рякъяр машин хъап1увал ахъю хат1алу ляхин вуйи. Гъамус думу гъулариз ми-мидарди гъийин деврин т1алабариз жаваб тувру рякъяр тикмиш ап1руган, саб-швнуб ражари думу тикилишдинна командировкайиз гъягъюб узузра алабхъунзуз. Думу рякъ тикмиш ап1рудари ахъю дагъларин гъарзар т1урк1ури, рякъ яркъу ап1ури, тикмиш ап1уйи. Рякъюн гъякънаан гъамус думу гъулан агъалийриз ахъю гъулайвалар духъна. Гъацар вуйи райондин хайлин жара гъуларийра, имбу гъулариз вуйи рякъяр рас ап1увалинра план а.

Улийхънаси Ц1урут1ил гъулан агъалийр, Хючнаан Ц1урут1илна гъябгъру рякъ рас ап1уз кюмек ккун ап1ури, социалин сетарин «Табасаран район» МР-ин Глава Мягъямед Къурбановдихъна илт1ик1ну. Дугъу гъамциб жаваб тувну: «Хючна-Халагъ рякъ (Аьхир 8-пи машнаъ.)

«Ахю дигиш валар гъахъну», - клура агъалири (Гьерхбар)

Табасаран район тешкил дапну гъаму йисан 95 йис тамам шула. Ихъ район республикадин ахю районарикан саб ву. Статистикадин улупбарин мялум шулайганси, райондин бина ккебгъханмина районди ахю хизанар яшамин шули гъахъну, гъамусра ихъ район республикадин районарин арайиш гизаф бицлидар айи хизанар айивалиинди улхъан жергйириш а. Райондин юбилейикан, мукъан йисари душвагъ гъахъни, шулайи дигиш валарикан пуб ккун аплури, саб жерге агъалирихъна илтликлуна. Дурари гъамци гъапнийи:

Нурутдин, районглан сад йисанди ахюр.

-Район тешкил аплурай вахтар киваинди дариз, гъаз гъапиш узу думуган бицли феришта вуйза. Хъа ич гагайи, гъулан ахю жилари думу вахтарикан ихтилатар аплури шуи. Революциядин къяляхъна йисар ихъ улькейин агъалириш читин йисар вуйиваликан, цлийи районар тешкил аплруган, алахъу читинваларикан, агъалирин дуланажагъдиз читин вахтар вуйиваликан, дявдин йисари гъуларий бандитар гизаф ади, бандитари исягъ халкъдиз тувру зарарикан дурари ктибтури шуи.

Учу, бицли баяр-шубар, ич абйир-бабарихъди хутлин, хъран ляхнариш гъягъойча. Киваин илмийиз Ватандин Ахю дяви ккебгъу вахт. Думу хабри вари инсанариз дерд тувнийи. Дишагълийир ишуйи, гъаз гъапиш гъулан жилар дявдиз гъахуз хъюгънийи. Къабидарна дишагълийирглан гъуларий имдайи. Цлийиди тешкил дапну имбу районарин руководителариз вари терефарихънди гизаф гъагъиди алабхънийи. Дурари дявдиз гъягъурдар гъисабназ гъадагъури, дурар рякъюн, дурарин хизанарихъди гаф-члал аплури шуи. Райондин хутларий тахил убзун, чюлин ляхнар тамам аплуз дишагълийир, яшлуийр, живан баяр-шубар жалб аплуйи. Райондин агъалирра сурсатарихъди тямин аплуб, дявдиз душнайидаризра кюмек тувуб дурарин вазифа вуйи. Наънан къувват тувруш, аьгъдарзун, амма думуган вари ляхнар хъайи-хъайибси тамам аплуз удукъуйи.

Мялум вуйиганси, цлийиди тешкил гъаплу райондиш ужувлахъинди вуйи дигиш валар хъпан бадали, улихь-клулихъ хъайидари ахю жафа зигуйи. Думуган техника адайи. Ряхъяр тикмиш, айидар рас, булагъар, идарийриш вуйи дараматар, агъалириш яшайишдин хулар тикмиш аплурушра, думу вари ляхнар хилихъди тамам аплуйи. Ухъуз аьгъюганси, думу ляхнар хилихъди тамам аплруган, фукъан вахт лазим шулу. Думуган саб ужуи вуйи: фунуб ахю ляхин тамам аплурушра, агъалири миллиинди аплури шуи. Дициб тешкилували ляхин хайлин улихъ гъябгъюз кюмек аплуйи.

Район тешкил дапну имиди, гъуларий сифте колхозар,



халачийрин артелар тешкил гъапнийи. Дурар тешкил аплузра думукъан рягъятди дайи. Думу ляхниз райондин вари агъалир рази шулдайи. Рази дарударихъдира хайлин гаф-члал дапну ккундайи. Къандиси гъуларий совхозар, халачийрин фабрикар тешкил гъапнийи. Душварий райондин хайлин агъалийир лихуйи. Яваш-явашди райондиш жюрбежюр жюрейин хайлин идарийр ачмиш гъапнийи. Думу идарийриш жюрбежюр гъуллуварий лихуйи, агъалири чпин хизандин дуланажагъ аплуйи. Агъалири чпиз яшайишдин цлийи хулар тикмиш аплуз хъюгънийи, цлибди тяминди вуйи хизанарин баяр-шубариз заан ва къялан образование гъадабгъуз мумкинвал гъабхънийи.

Гъамусдин деврикан улхуруш, ихъ райондиш улихъди шагъарий адрударстар шараитар а. Райондин агъалийрин дуланажагъ гизаф ужу дубхъна. Ужувлахъинди вуйи дигиш валари агъалийриш гъазанмиш аплуз, хизандиз вари шараитар яратмиш аплуз мумкинвалар тувра. Райондин улихъ дийигъу гъарсар руководителари райондин агъалириш шараитар яратмиш аплубак чан пай кивра. Улихъдиси дарди, гъамус ми-мидарди вари ляхнар техникаихъди тамам аплура. Мисалназ, гъадабгъуза ич хизан. Ич хизандиш айи гъарсар жилижвуван чан хусуси машин а. Гъаци ву ми-мидарди вари жара хизанарийра. Хъа дишагълийири гъамус хилихъди тамам аплури ляхнар имдар гъапишра, кучлал дар. Палтар урчру, рюкьчар жиклу машинара а, мургул лазимди имдар, пылесосар а, гъюнихъ гвар хъебхну, булагъдикна штуз, яркуркюлиз гаклвариз, дурчариз гъягъури имдар. Жара йишварийси, ухъухъра рягъятвалар гизаф духъна, яни район улихъ гъябгъурайиб ачухъди рябкъюра.

Гъамусяатна райондин клулий айир узуз таниш

бай дар. Хъа узуз ерхъру гафаринди, дугъу райондин агъалириш хайлин гъулайвалар кайи ляхнар тамам аплура, клур. Гъит гъарсабдинди ихъ район жара районарин къяляхъ гъудрубзри. Райондин гележег ужуб, агъалирин дуланажагъ заан дережайиш шлу ибшри. Варитлан асасуб дюнья исягъ ибшри...

Абакар, районглан сад йисанди бицлир.

-Узуз Ватандин Ахю дявдин йисар ужуи киваинди имизуз. Думу йисар гъархуз шлудар дар. Цлийиди тешкил дапнайи райондин руководствойиз, гъадму гъисабнаан душвагъ яшамин шулайи агъалиришра тамам аплуз хайлин ляхин шуи. Цлийиди тешкил гъаплурайон саб йишвин дийибгъну гъубзундайи. Район вари терефарихъан улихъ гъябгъюз хъюгънийи. Райондин агъалийр, иллагъки жигъилар, колхоздин чюлин ляхнар, халачийрин артелариз гъягъуйи, фермийриш лихуйи. Узу, йисар тамам дархъи жигъили, йиз зегъметна ряхъ райондин «Уьру Хяд» газатдиш лихбалан ккебгъунза. Душвагъ газат чапдин адабгъуз вари ляхнар хилихъди тамам аплуйи. Гъаригъан учу газатдик кауз гафариз гъарфар уч аплури шуича. Фукъан-вущра гъагъиди вуйи, вущра редакцияий лихурайи гъарсар пишекри чан ляхин кивантлан тамам аплури, газатдин гъарсаб номер чан улупнайи вахтназ гъязур аплуйи.

Йисар гъягъури, райондин гъял ужу хъуз хъюбгъю. Райондин агъалириш тамам аплуз гъаммишан ляхин шуи. Гъаракатнаш айи сифте колхозари, хъасин совхозари райондиз ахю гъазанжар хуз хъюбгъю. Райондин гъарсаб гъулаш мектебар ачмиш аплубан ляхин жанлу гъабхъи. Дюз гъапиш, мектебарийш гуркуну ерли йишварин вуйи мялимар адайи, райондин мектебарий ахиримжи йисари жара йишвариз душнайидар къя-

Ккудубшу аьсрин 60-пи йисарихъанмина, райондин мектебарий ерли мялимарин къадар артухъ шули, вари мектебар ихъ йишварин вуйи мялимарихъди тямин гъахъи. Гъаци вуйи медицинаин ужагъарра. Район цлийиди тешкил дапну имбу йисари (ич гъулан ахюдары клури шуи) медицинаин пишекларихъна аьзарлу духънайидар гъелемеле илтликлури шулдайи. Гъарсаб гъулаш айи жрягъяри аьзарлуийр сагъ аплубан ляхнар клури гъахуйи. Район тешкил дапну цлиб вахт гъябгъийизра, медицинаин ужагъарий лихурайи пишекларий райондин агъалийриш медицинаин кюмек тувуз хъюгънийи.

Цлиб вахтнаш редакцияийиш дилихну, хъасин гъулан мяишатдин цирклиш лихуз хъюгъюнза. Думу йисари гъулан мяишатдин цирклиш улькейин улихь-клулихъ хъайидари асас фикир тувуйи. Райондиш тартиб дарапну жил адайи. Вари йишвар тартиб аплури, гъулан мяишатдин продукция гъясил аплуйи. Гъарсаб совхоздиз тахил, йимишар, бистнин мейвийр, тлуглар уч аплуз, никк ккудубзун, йикк гъясил аплуз план айи. Думу план артухъдира кади тамам аплуйи.

Магъа район тешкил дапну 95 йис тамам шула. Думу вахтнаш арайиш район аьгъю аплуз даршлукъан улихъ дубшна. Райондиш хайлин дигиш валар духъна. Дюз гъапиш, райондиш яшамин шулайи агъалирра, улихъдиси дарди, гъамус дигиш духънайиб аьгъю шулу. Думугандин инсанаринна гъамусдин инсанарин арайиш хайлин фаркъвал а. Вари ужуи ву гъапишра, думу дици шлуб дар, камиваларра хайлин ашул, хъа дурар арайиан адагъуз жавабдар ксар чалашмиш шул клури, фикир вуйиз. Ихъ райондиз хъуркьувалар хъуб ккун аплура...

Жемият, лихурайир.

-Узу медсестра вуза. Му пише бицлидихъанмина юкль хъайиб вуйиз. Йиз гъардшар Урусатдин шагъарий чпин хизанарихъди яшамин шула. Узузра, душваз гъач клури, швнубсаб ражари гъапну. Дурари гъамци клуру: «Дагъустандиш медицинаин цирклиш лихурайидарин маважиб цлиб, хъа учухъ гизаф ву». Хъа гъаму йисханмина ич маважибарра хайлинси артухъ гъахъну.

Райондин юбилейикан улхури, пуз ккундузунки, ихъ район хайлинси ужу дубхъна, агъалирин яшайишра писди дар. Улихъди жигъил хизанар жара йишвариз удучлвну гъягъурушра, ахиримжи йисари жара йишвариз душнайидар къя-

ляхъ гъюра. Дуланажагъдиз шараитар тешкил аплруган, дурар къяляхъ гъюру, удучлвну гъягъурдарин къадар цлиб шулу.

Ахиримжи йисари райондин ряхъяр къайдайиз хувал, цлийидар тикмиш аплувал аьдатнаш аьхъна. Хайлин ряхъярийин асфальт улубзна. Жара тикилишарра тикмиш аплура. Саб лигай, райондиш фукъан алверин точкийр гъаракатнаш аш. Шагъриш дурушди, хизандин дуланажагъдиз лазим вуйиб вари масу гъадабгъуз шулу. Райондиш жюрбежюр шадвалин, спортдин серенжемар клури гъахуру.

Хъа агъалирин дуланажагъдикан улхуруш, улихъдитлан гъамус саб-швнуб дережайинди зади ву. Гъийин деврин тлалабариз жаваб тувру, вари шараитар айи яшайишдин хулар тикмиш аплуру. Гъарсаб хизандин гъягъуриш варитлан цлиб саб машин а. Заан образование гъадабгъурдарин къадар гизаф ву. Райондин дишагълийирира машинара хъаьра. Улихъди думу гъабхъи ляхин дар. Ич ахю бабары, гъулан кючийр йицарин мяхъ гъябгъурдартлан дайи, гъамус фициб маркайин вущра машин гъягъуру ряхъяр ахъуз клури, шулу.

Хъа ихъ агъалири гъамус масу гъадагъуру сурсатар улихъди адайи. Гъарсаб хизандин кухняийиш варитлан цлиб шубуб холодильник а. Думу холодильникар ичли шулдар. Алабхърубра гъаци ву. Цлийибтлан-цлийиб алабхъуру. Хъа ихъ агъалири хайир-шейир фукъан харжар дапну клури гъабхуруш, пуб лазим шулдар, гъаз гъапиш думу варидиз аьгъя. Улихъди ухъуз адру цлийи гъуллугъар, агъалири тамам аплури ляхнар а. Саб гафниинди, район улихъ гъябгъюра, дидин улихъ шлу руководитель агъалирин гъуллугънаш хъуз чалашмиш шулу. Ихъ райондихъ гележег хъайиб рябкъюру. Улубкъурайи юбилей тебрик аплури, райондин вари агъалириш хъуркьувалар, ужулар хъуб ккун аплура...

Райондикан гъерхбар аплруган, агъалири ахиримжи вахтна район аьгъю даршлукъан ужувлахъинди дигиш дубхънайиваликан, агъалириш райондин уьмур къабудди вуйиваликан клури шулу.

Гъит ихъ райондин агъалийр гъаммишан шадди, буллугъди гъузри. Ухъуз ккунибра гъадму вухъуз. Ухъура райондин вари агъалийр юбилейихъди тебрик аплурхъа. Райондин варж йисандин юбилей хъана ахю хъуркьуваларинди, ужуларинди къайид аплубси ибшри.

У. АБДУЛКЕРИМОВА.

В Дарваге открыли памятник погибшему солдату

Открытие памятника уроженцу села Амрину Ахмедову, погибшему смертью храбрых при исполнении воинского долга на специальной военной операции, состоялось 14 сентября. В церемонии открытия памятника участвовали глава Табасаранского района Магомед Курбанов, министр по национальной политике и делам религий Республики Дагестан Энрик Муслимов, Герои России Александр Чернов и Энвер Набиев, представители общественных объединений - Общероссийской общественной организации «Российская организация Героев» Ирина Лампартер и Светлана Гурина, и сообщества «Сила матерей», родные и близкие Амрина Ахмедова, друзья погибшего, сельчане.

Амрин Ахмедов родился в Дарваге в 1997 году. Преподаватели еще в школе отмечали такие его качества как доброта, отзывчивость, ответственность, готовность оказать поддержку сверстникам и желание активно участвовать в общественной жизни. В 2023 году он принял решение вступить в ряды Российской Армии и отправился освобождать землю Донбасса от украинских националистов. К сожалению, в одном из боев в ходе выполнения задания он погиб. Амрин Ахмедов награжден орденом Мужества (посмертно).

Инициаторами возведения памятника выступили родители погибшего - Мевлан и Майханум Ахмедовы. Их пожелание увековечивания памяти сына нашло отклик и среди односельчан. Был выбран эскиз памятника, который представляет собой мемориальный комплекс, включающий в себя обелиск и дворик с родником.

«Нет таких слов, которые утешили бы родных и близких погибших солдат. Но мы можем сделать так, чтобы память о воинах, которые отдали свою жизнь за Родину, жила вечно. Их жизнь послужит для будущих поколе-



ний примером безаветного служения своей Отчизне», - сказал выступивший на открытии памятника Магомед

Курбанов. Энрик Муслимов принес соболезнования родным Амрина Ахмедова от имени Главы республики Сергея Меликова и напомнил, что

гнущиеся на территорию Дагестана. Свидетельством преемственности поколений он назвал присутствующих

необходимо. Чести официального открытия памятника удостоились родные и близкие



там же Героев России Алек-

сандра Чернова, который служил в то время, и Энвера Набиева, отличившегося уже на СВО. Герои России поблагодарили родителей за воспитание настоящего защитника Отечества, который пришел на помощь стране, когда ей это было

Амрина Ахмедова, Магомед Курбанов, Энрик Муслимов, Александр Чернов, Энвер Набиев. А затем все присутствующие возложили цветы у обелиска погибшего солдата.

А.Исаев.

Фото Н.Рагимова.

Усилят меры по антитеррористической защищённости религиозных объектов

13 сентября глава муниципалитета Магомед Курбанов провёл совещание с главами сельских поселений района и имамами мечетей.

Темой встречи стала антитеррористическая защищенность религиозных объектов.

Согласно Постановлению Правительства РФ от 5 сентября 2019 года №1165 утверждены требования к антитеррористической защищенности объектов религиозных организаций и форма паспорта безопасности объектов религиозных организаций.

«В Табасаранском районе 76 мечетей. Все они должны отвечать нормам безопасности. Это вопрос, к которому нужно отнестись очень серьёзно. Для оформления паспортов антитеррористической защищенности необходимо в краткие сроки получить правоустанавливающие документы. Без соблюдения данных требований мечети не смогут функционировать. Есть поручение Председателя Правительства Дагестана завершить данную работу в краткие сроки», - сказал на совещании Магомед Курбанов.

По поручению главы района в ближайшее время согласно утверждённому графику будут оформляться техпаспорта на каждый религиозный объект. Все объекты будут взяты на кадастровый учёт. Далее согласно законодательству РФ и РД по земельным вопросам будут оформлены правоустанавливающие документы на мечети.

Права собственности на объекты получат администрации сельских поселений, далее их передадут на безвозмездной основе религиозным организациям. Затем на каждую мечеть будет оформлен паспорт антитеррористической защищенности.

Главой Табасаранского района Магомедом Курбановым установлен срок завершения данной работы до конца ноября текущего года. В ней будут тесно задействованы АТК района, главы сельских поселений, отдел земельных и имущественных отношений администрации района, имамы мечетей всех населенных пунктов.

Пресс-служба администрации Табасаранского района.

Герои СВО

Указом Президента Российской Федерации, за мужество и отвагу, проявленные при исполнении воинского долга на СВО, выходец села Тураг Табасаранского района Гюлбаев Самур Тагутдинович награжден орденом Мужества.

Решением ОБЩЕСТВЕННОГО ДВИЖЕНИЯ ПО УВЕКОВЕЧЕНИЮ ПАМЯТИ О ВЫДАЮЩИХСЯ ДЕЯТЕЛЯХ РЕСПУБЛИКИ ДАГЕСТАН И ПАТРИОТИЧЕСКОМУ ВОСПИТАНИЮ МОЛОДЕЖИ, за особые заслуги, проявленные при выполнении боевых задач в зоне проведения специальной военной операции, награжден специальным званием «Народный Герой Дагестана».

Указом Президента Российской Федерации, за мужество и отвагу, проявленные при исполнении воинского долга на СВО, уроженец села Гуми Табасаранского района Шахбанов Валид Назирович награжден медалью «За Отвагу».

Указом Президента Российской Федерации, за мужество и отвагу, проявленные при исполнении воинского долга на СВО, уроженец села Гурхун Табасаранского района Асланов Альберт Гаджимирзаевич награжден медалью «За Отвагу».

Решением ОБЩЕСТВЕННОГО ДВИЖЕНИЯ ПО УВЕКОВЕЧЕНИЮ ПАМЯТИ О ВЫДАЮЩИХСЯ ДЕЯТЕЛЯХ РЕСПУБЛИКИ ДАГЕСТАН И ПАТРИОТИЧЕСКОМУ ВОСПИТАНИЮ МОЛОДЕЖИ, за особые заслуги, проявленные при исполнении боевых задач в зоне проведения специальной военной операции, Асланов Альберт Гаджимирзаевич награжден специальным званием «Народный Герой Дагестана».

За особые заслуги перед многонациональным народом Дагестана, Демиров Рустам Демирбекович награжден Золотой звездой «Народный герой Дагестана». Демиров Рустам Демирбекович уроженец села Рушуль.

Решением ОБЩЕСТВЕННОГО ДВИЖЕНИЯ ПО УВЕКОВЕЧЕНИЮ ПАМЯТИ О ВЫДАЮЩИХСЯ ДЕЯТЕЛЯХ РЕСПУБЛИКИ ДАГЕСТАН И ПАТРИОТИЧЕСКОМУ ВОСПИТАНИЮ МОЛОДЕЖИ, за выдающиеся заслуги перед народом Республики Дагестан, героизм и самоотверженность, проявленные при защите интересов Отечества, уроженец села Фиргиль Раджабов Намин Исламович награжден специальным званием «Народный Герой Дагестана».

Указом Президента Российской Федерации, за мужество и отвагу, проявленные при исполнении воинского долга на СВО, уроженец села Ерси Табасаранского района Гаджимамудов Вадим Казнахмедович награжден орденом Мужества (посмертно).

(Подготовлено по материалам СМИ).



Райондин депутаттарин Собраниеин нубатнан сессия гъабхъну

18-пи сентябрь Табасаран райондин администрацияин актовъи залъ «Табасаран район» МР-ин депутаттарин Собраниеин нубатнан 40-пи заседание гъабхъну. Заседание рай-собраниеин председатель Иса Исаевди ачмиш гъапну ва клуи гъубхну. Душва гъамцдар месэлийр гъал гъапну:

1. «Тивак гъулан совет» СП-ийн терефнаан Мягъмед Рамалданович Исмаиловдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар вахтназ улихъна ккудукбан гъакънаан.

2. «Сиртич гъул» СП-ийн терефнаан Гъажиевкер Несюрович Гъажиевдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар вахтназ улихъна ккудукбан гъакънаан.

3. «Къужник гъулан совет» СП-ийн терефнаан Мал-паражаб Гъажимурадович Ражабовдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар вахтназ улихъна ккудукбан гъакънаан.

4. «Гуми гъулан совет» СП-ийн терефнаан Тамерлан Къурбанович Агъмедовдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар вахтназ улихъна ккудукбан гъакънаан.

5. «Жулжагъ гъулан совет» СП-ийн терефнаан Шихягъмед Ярягъмедович Пирмягъмедовдин РД-ийн «Табасаран район» муниципалин райондин депута-

тарин ургубпи дих апбан Собраниеин депутатвалин ихтиярар вахтназ улихъна ккудукбан гъакънаан.

6. «Чвулат1 гъулан совет» СП-ийн терефнаан Вадим Калабегович Качаевдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар вахтназ улихъна ккудукбан гъакънаан.

7. «Къужник гъулан совет» СП-ийн терефнаан Аълиев Тимур Селимовичдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар тасдикъ апбан гъакънаан.

8. «Гуми гъулан совет» СП-ийн терефнаан Айханум Рамазановна Рашидовойдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар тасдикъ апбан гъакънаан.

9. «Жулжагъ гъулан совет» СП-ийн терефнаан Юсуф Асланович Матаевдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар тасдикъ апбан гъакънаан.

10. «Чвулат1 гъулан совет» СП-ийн терефнаан Низами Найматович Мягърамовдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар тасдикъ апбан гъакънаан.

11. «Тивак гъулан совет» СП-ийн терефнаан Аслан Гъясанович Султановдин РД-ийн «Табасаран район» муниципалин райондин депутаттарин ургубпи дих апбан Собраниеин депутатвалин ихтиярар тасдикъ

апбан гъакънаан.

Му месэлийриан мялумат райондин депутаттарин Собраниеин председатель Иса Исаевди тувну.

12. Дагъустан Республикаин «Табасаран район» МР-ин депутаттарин Собраниеин 2023-пи йисан 22-пи декабрь 165-пи нумрайикки адабгъу «Дагъустан Республикаин «Табасаран район» МР-ин 2024-пи йисаз ва пландинди улупнайи 2025 - 2026-пи йисариз бюджетдин гъакънаан» къараръ дигиш'валар тлаъбан гъакънаан. Му месэлийриан мялумат райадминистрацияин финансарин Управлениеин руководитель Зейфулла Рашидовди тувну.

13. Дагъустан Республикаин «Табасаран район» МР-и муниципалин гъуллугъариин али ксариз государственной мажбури вуйи страхованийинди вуйи выплатйирин Положение тасдикъ апбан гъакънаан.

14. Дагъустан Республикаин «Табасаран район» МР-и муниципалин гъуллугъариин гъаммишанлугъ къайдайинди лихурайи ксариз государственной мажбури вуйи страхованийинди вуйи выплатйирин Положение тасдикъ апбан гъакънаан.

15. «Табасаран район» МР-и ерли самоуправленийин органаръ муниципалин гъуллугъариин али ксариз пенсийриина гъар вазли доплатйир тйин апбан, выплатйир тувбан ва перерасчетар апбан къайдайин Положение тасдикъ апбан гъакънаан ва «Табасаран район» МР-и ерли самоуправленияин органаръ муниципалин гъуллугъариин али ксариз гъилиху йисариз лигну вуйи пенсийриина гъар вазли доплатйир тйин апбан, выплатйир тувбан ва

перерасчетар апбан къайдайин Положение тасдикъ апбан гъакънаан.

16. Дагъустан Республикаин «Табасаран район» МР-ин депутаттарин Собраниеин 2022-пи йисан 29-пи декабрь 119-пи нумрайикки адабгъу «Дагъустан Республикаин «Табасаран район» МР-и муниципалин гъуллугъариин Реестрин гъакънаан» къараръ дигиш'валар ва аълава апбан тлаъбан гъакънаан.

Му месэлийрин гъакънаан мялумат райондин администрацияин ихтиярарин ва кадрийрин ляхнариан делопроизводствоин отделин начальник Расим Абдуселимовди тувну.

17. РД-ийн «Табасаран район» МО-ийн Гербан ва Пайдгъин гъакънаан Положение тартиб апбан гъакънаан.

18. «РД-ийн «Табасаран район» МО-ийн Гимндин гъакънаан Положение тартиб апбан гъакънаан.

Му месэлийрин гъакънаан мялумат «Табасаран райондин культурайин Управление» МБУК-дин директор Абдулвагаб Абдуловди тувну.

19. «Табасаран район» МР-и «Жигъилариз ватанпервервалин тербия тувбак ва дурадин яратмиш апбан артмиш'валик лайикълу пай кивбаз лигну» Къалухъ Мирзайин ччурнахъ хъйи медаль тешкил апбан гъакънаан.

Му месэлийрин гъакънаан мялумат райондин депутаттарин Собраниеин председателин заместитель Аълимягъмед Къазиевди тувну.

20. Жюрбежор. Сессияий гъал гъаплу месэлийриан тьялукъ къарар къабул гъапну.

АЪ. РАШИДОВ.

Кейванийин мурчъв

Дадлу салат

Къюрдну витаминарихди тяминди вуйи хураг гъазур апбан бадали, чвну, вари мейвийр булди айи вахтна, къюрдуз гъазурлугар аплуб ихъ аьдатнаъ айиб ву. Соцетариан туврайи мялуматдинди, гъамциб салат гъазур аплуб къабул гъабхъунзуз. Учвузра къабулди вуш, думу гъазур аплинай. Думу жюре салат хурагси, борщ ва жара хураг гъазур апруганра ишлетмиш аплуз шулу.

Думу гъамци гъазур аплуру: памадрар члуклариз гъадатлуру, гули гергмиди гъадатлуру, уьру чугъундур ва къут1 корейский салат гъазур аплуру теркайикан кадауру (гъарсаб сурсат 1кг). Йигъигъ сифте памадрар, хъасин гулар, къут1 ва чугъундур чиб-чпихъди ахъну, 100 миллилитр шид, 300 миллилитр набататарин ччим кубзну, убхъуз иливуру. Убхъури 20 дакъикъа гъабхъиган, дидик таматдин паста уьл ип1ру 3 муччврий айиб (к1ак1 кади) кап1ру, 2 гъацм муччвур къил, 220 грамм шекер кахъру. Убхъуз 10 дакъикъа ккимиди чайран муччврин гъац1 клару иставут, шубуб лавровый клаж кахъну алдабгъуз багахъ гъабхъиган, 50 миллилитр 10 процентдин уксус кубзру.

Гъазур гъабхъи салат марциди джик1ну, стерилизовать дап1найи банкйиръ аплуру, рукбан гъапгъар аларснуну, банкйир мич1ал хъайизкъан дастмливгъан гъидиржну, гъитру. Гъац гъазур гъаплу салат къюрдну фунуб хурагнакра ишлетмиш аплуз шулу.

(СМИ-ийан гъазур гъаплу Фарзилат РАЖАБОВА).

Туриф гъулан мектебдин - 95 йис

(Эвел 35-пи нумрайиъ.)

Сулейманов Гъашим Аълиханович-Къули райондин Чахал гъул ан вуйир, лак жви, 1960-1963-пи йисари 7 йисандин, 1962-пи йисан 8 йисандин мектебдиъ;

Уьмаров Аълибег Мустафаевич-Турфан, 1963-1978-пи йисари (8 йисандин мектебдиъ);

Наврузбегов Дашемир Наврузбегович-Ругуж гъул ан, 1978-1980-пи йисари (8 йисандин мектебдиъ);

Султанов Аълисултан Мягъмедович-Туриф гъул, 1980-1983-пи йисари (8 йисандин мектебдиъ);

Рашидов Абдурагъман Гъажикъутдаевич-Туриф гъул, 1983-1997-пи йисари (8 йисандин мектебдиъ, 1988-пи йисан къялан мектебдиъ);

Сеидягъмедов Хизритдин Загълумович-Туриф гъул, 1997-2007-пи йисаз (къялан мектебдиъ);

Аълимягъмедов Абулфет Аълимягъмедович- Туриф гъул, 2007-пи йисан гъийин йигъазкъан. Директорин урхбанна- тербияин ляхнин заместителарди

1952-пи йисланмина гъилихну: Михаил Мехедов-1952-1953-пи йисари, Мария Слайковская-1958-1959-пи йисари, Аълибег Уьмаров-1959-1962-пи йисари, Наум Щибек-1962-1968-пи йисари, Гъажимягъмед Мирзаев-1968-1997-пи йисари, Абдурагъман Бахитов-1997-2009-пи йисари, Маллакери Нурмягъмедов-2009-пи йисан гъийин йигъазкъан. Ккудубшу аьсрин 50-60-пи йисари Урусатдин жюрбежор йишвариан, дагъустандин районарин гъуларин гизаф мялимар-предметникар гъилихну. Дураин образованиени артмиш апбан ляхниъ къимат дап1ну ккудубк1уз даршлусиб пай кивну. Гъацдар мялимарин арайиан вуди гъисаб шулу: Генрих Ферхов (Киргизияин вуйи немец), Хамисат Белягов (адыгейка), Наум Щибико (белорус), Екатерина Прилепина (белоруска) ва жарадар. Савадсузвал терг апбаъ, халкъдин образование артмиш апбаъ урус мялимари аьсю пай кивну. Гъацдар мялимарин вуди гъисаб аплуз

шулу: Владимир Киреев, Анна Филиченко, Михаил Мехедов, Валентина Бойко, Валентина Колегаева, Елена Щебликина, Мария Слайковская, Мария Кулакова, Нина Глушкова ва гъацра жарадар. Туриф гъул ан сабпи мялимар гъахъну: Вягъид Гъамидов, Агъамирза Абукаров, Ражаб Ражабов, Гъажикъурбан Шамсутдинов. Дураизра ккудубк1у педагогвалин образование адайи. Хъа педагогвалин образование ади гъилиху садпи мялимарин гъисаб аплуз шулу: Абдурашид Ражабов 1959-пи йисан Дербентдин педучилище ккудубк1ну, 1959-1962-пи йисари мектебдиъ гъилихну, хатла-балайиан кечмиш гъахъну; Абдурагъман Бахитов 1961-пи йисан Дербентдин педучилище ккудубк1ну, чан зегъметнан рякъ багъри гъулан мектебдиъ 1962-пи йисан ккертгъан классарин мялимиди лихбалан ккертгъну; Гъажимягъмед Мирзаев мектебдиъ заан образование айи сарпи мялим ву, 1964-пи йисан Лениндин ччурнахъ

хъайи Дагъустандин госуниверситет ккудубк1ну, гъадму йисан математикаин дарсар киври, мялимиди лихуз хъюгъну, ва хайлин йисари директорин урхбанна-тербияин пайнан заместителди гъилихну.

Туриф гъулаъ заан образование гъадабгъу сарпи дишагъли Гюльженет Ражабова 1982-пи йисан Дагъустандин гъулан мяишатдин институт ккудубк1у, Айнисе Наврузялиева - гъулаъ къялан пишекарвалин образование гъадабгъу сарпи дишагъли ву, 1978-пи йисан Дербентдин педучилищейи ккертгъан классарин мялимиди пише гъадабгъну.

XX аьсрин 70-пи йисарилан ккертгъну, Турфарин къялан мектебдин коллектив багъри гъул ан вуйи мялимарихъди аьлава шула. Багъри мектебдин выпускникарикан, заан образование гъадабгъну, багъри мектебдиъ хайлин йисари лайикълу зегъмет гъизигдар:

Абдурагъман Бахитов (1962-2011-пи йисари), Аълибег Уьмаров (1954-

2006-пи йисари), Гъажимягъмед Мирзаев (1964-2003-пи йисари), Аълиэкер Султанов (1963-пи, 1968-2012-пи йисари), Тажутдин Шихов (1963-1976-пи йисари), Абдурашид Рашидов (1967-2011-пи йисари), Аълисултан Султанов (1970-2010-пи йисари), Абдурагъман Рашидов (1969-2023-пи йисари), Нефтулла Шихялиев (1988-2023-пи йисари).

Гъамус ляхин аплурайидар: Хизритдин Сеидягъмедов (жара ляхниъра ади), Сиражутдин Шамсутдинов, Абулфет Аълимягъмедов, Лариса Аълимягъмедова, Гъажирамазан Мирзаев, Маллакери Нурмягъмедов, Наибет Рашидова, Абулдин Ферзиев, Абдулнасир Нурмягъмедов, Казим Гюсейнов, Наврузбег Уьмаров, Фатма Гюльмягъмедова, Иьлар Сеидягъмедов, Гюльмягъмед Давудов ва жарадар.

1929-пи йисан 2023-пи йисаз Турфарин къялан мектебдиъ йиц1уб миллетди-кантилан артухъ мугагъназ (Аьхир 8-пи машнаъ.)

Музей в городе Петра I	ЧЕТКОСТЬ В МЫСЛЯХ								ЖЕНИТЬБА
Горный скат	Им пишут на доске	Уроки самозащиты	Письменный рапорт						
		Алая ткань знамени	Жизнь по часам						
Гравюра на меди									
		Хищный паук	Спасение от жары						
Водоросли в трясине							Обувь под кроватью	Градоначальник	
		Мера дегтя	Кугуар						
Грызун в полях	Сильный зной	Недомолвка					Она не стоит свеч	Душистый эфир	
			Скрытая под сказка	Варвара... с косою	Занавешено шторой				
Куча сена			Велотакси	Боя, но не змея			Родич березы	Дева из Орлеана	
		Бензиновая емкость							
			Тревога со звонницы						
Игрушка-человек	Учебные запяски						Лодка Хейердала		
			Дополнение к аргументу						



Нурулла РЯГБИМОВДИ гъиву шикил.

Утерянный аттестат об основном общем образовании за номером А - № 673822, выданный Ерсинской СОШ в 1993 году на имя Тагировой Айне Зейфитдиновне, считать действительным.

Рякъ гъюру йисан рас ап1иди

(Эвел 2-пи машнаъ.)

Дагавтодорин балансдиъ а. Думу рякъкан кадап1найи Ц1урут1илна вуйи рякъюн циркилла гъадму тешкилатдин балансдиъ а. Гъаму йисан 1-пи мартди ихъ республикайн Гъюкуматди адабгъу къарариз асас, Дагавтодорин балансдиъ айи саб жерге рякъяр улубкъурайи йисан 1-пи январиянмина райадминистрацияйн балансдиъ тувбанди ву. Эгер думу рякъ ихъ райондин балансдиъ туввиш, учу думу рякъ 2025-2027-пи йисариз вуйи рас аплувалин ляхнар к1ули гъахру программайк чарасуз кипдича. Ичв рякъ 2025-пи йисан къайдайиз хуз мумкинвал шул к1ури, умуд кайиз.

Ав, аъхиримжи йисари райондиъ хайлин рякъяр рас гъап1нушра, гъеле рас аплувализ килигурайидарра ц1иб адар. Дурар рас аплувализра райондин руководствоми асас фикир тувра, чарйир агура.

Угълангерек
АБДУЛКЕРИМОВА,
отделин редактор.

(Ответы на сканв. № 36.)

С	И	Л	У	Э	Т	С	Х	О	Д		
	И		Е			О			У		
П	И	С	К		С	А	Н	Б	А		
	Н	А	Р	В	А			Б	А		
	Д	О		К	А	Л	И	Б	Р		
Ц	И	Н	К			А	О		Р		
	Б	О	С	С			М		У		
А		О				Б	А	Л	Л		
Г	И	М	Н				Г		Ь		
Р		А		Г		П	О	С	Т		
Я			К	Р	О	Ш	Е	Н			
Н	И	Ш	А	Л		Ш	Л	Е	Я		
Е		А	Л	Л	О	К	А	Д	Р		
Ц	Е	Х				С	К	А	Л	Ь	Д

Х. Сеидягмадов,
РФ-йин ва РД-йин
лайикълу мялим.

Туриф гъулан мектебдин - 95 йис

(Эвел 7-пи машнаъ.)

дин Советарин Союздин регионариан, Дагъустан Республикайн районариан, райондин гъулариян 145-дилан зина мялимар лихури гъахъну. XX-XXI аьсриъ гъаму макъалайн авторин регъберваликки мектебдин уьмриъ ахю хуркъувалин дигиш валар гъахъну. Дугъхъан урхбанна-тербияйн ляхин дибдиан дигиш ап1уз, педагогарин коллективдин ляхин тешкилувалиндин райондиът1ан савайи, республикайиъра, Урусатдин дережа айи конкурсариъра хуркъувалар гъазанмиш ап1уз гъахъну. 2000-2005-пи йисари ич мектеб Вариурусатдин «Урусатдин йисандин мектеб», «Аьсрин мектеб», «РФ-йин Академический мектеб» конкурсарин лауреат гъабхъну. Думу хуркъувалариз лигну, мектебдин педагогвалин коллектив Дагъустан Республикайн образованиейн Министерствойин ва Табасаран райондин администрацияйн Гъюрматнан грамотйирихъди лишанлу гъап1ну.

Мектебдин педагогвалин коллективди райондин ва республикайн «Йисандин мялим» конкурсариъра хуркъувалар гъазанмиш гъап1ну. «Райондин йисандин мялим» конкурсдиъ тарихдин дарсарин мялим Хизритдин Сеидягмадов ва ккергъбан классарин мялим Нефтулла Шихялиев гъалиб гъахъну. Приздин йишвариз

лайикълу гъахидар: географияйн мялим Абулфет Аьлимьягмадов, ккергъбан классарин ва музыкайн мялим Лариса Аьлимьягмадова. Райондин конкурсариъ гъалиб гъахъи Хизритдин Сеидягмадов ва Нефтулла Шихялиев «Дагъустан Республикайн йисандин мялим» конкурсдиъра активно иштирак гъахъну. Мектебдин ахюнур пионервожатый Наибет Рашидова «Юк1в биц1идариз тувраза» девиздикки к1ули гъубшу «Ужурсир вожатая» райондин конкурсдиъ гъалиб гъахъну, хъа дугъу регъбервал туврайи мектебдин «Ахсар» командайн райондин «Истоки» конкурсдиъ сабпи йишв гъазанмиш гъап1ну. Лариса Аьлимьягмадова «Варит1ан ужурсир классдин руковдитель» конкурсдин муниципалин этапдин гъалибчи, хъа региондин этапдин призер гъахъну, хъа 2018-пи йисан муниципалин «Табасарандин образованиейн кл1ак1начи-2018» конкурсдиъ гъалиб гъахъну.

Мектебдиъ урхурайидари гъарсад йисан райондин ва республикайн олимпиадйириъ, соревнованийириъ, конкурсариъ приздин йишвар гъазанмиш ап1ура. Мисалназ, 11-пи классдиъ урхурайи Гъябибулла Гюльмягмадовди бабан ч1алнаан республикайн олимпиадайиъ гъалибвал гъазанмиш гъап1ну. Думу РД-йин образованиейн Министерствойин

терефнаан I дережайин дипломдихъди лишанлу гъап1ну. 9-пи классдиъ урхурайи Аьдулла Нурмягмадовди республикайн «Табиат аьгъю ап1ру живан», «Йиз райондин образованиейн тарихдин артмиш вал» темаян къюбпи йишв гъазанмиш гъап1ну ва РД-йин илмин ва образованиейн Министерствойин терефнаан II дережайин дипломдихъди лишанлу гъап1ну. 10-пи классдиъ урхурайи Къистамал Гъяжимьягмадова «Йиз биц1и Ватан» республикайн конкурсдин активный иштиракчи гъахъну, Гъюрматнан грамотайихъди лишанлу дап1на.

2006-пи йисан «Образование» милли проектдин рамкйириъди Вариурусатдин «Урусатдин ужударстар мектебар» конкурсдиъ ич мектеб РФ-йин Президентдин грандиз лайикълу гъабхъну. Саб миллион манат ва РФ-йин илмин ва образованиейн Министерствойин Гъюрматнан грамотайихъди лишанлу гъап1ну. Гъадму вари хуркъувалари Турфарин къялан мектебдин ва дидин педагогвалин коллективдин заанваликан к1ура.

2022-пи йисан 100 урхурайириъ йишв ади тикмиш ап1урайи вари жюре шаритар айи ц1ийи мектебдин дарамат дивуб метлеб вуди, щитарикан уч дап1найи аварийный гъялнаъ айи йири мектеб алдабгъну. Гъадму йишв ин 2022-2024-пи йисан

къюб мертебайин, гъийин деврин т1алабариз жаваб тувру, ачухъди вуйи, аку классар айи мектеб тикмиш гъап1ну. Ц1ийи мектеб лазим вуйи ц1ийи мебелихъди, аудио ва видео апаратура ади албагна. Гъийин мектебдихъ стадион ва спортдин дарамат, столовая ва пищеблок, библиотека, медицинайн кабинет хъа. Ерийин аьгъювалар гъадагъбан бадали, лазим вуйи вари шаритар а.

Г1и Турфарин къялан мектебдиъ 61 урхурайири аьгъювалар гъадагъура. Дурариз аьгъювалар ва тербия туври, 21 мялимдикан ибарат вуйи коллективди ляхин ап1ура. Думу мялимариан 3-риз заан, 2-риз сабпи категория а. Сар РФ-йин ва РД-йин лайикълу мялим, къюр РФ-йин умуми образованиейн лайикълу работник, сар, РФ-йин халкъдин просвещениейн отличник, сар РД-йин образованиейн отличник ву. Турфарин къялан мектебди чан тарихдиъ уьлкейиз, республикайиз ва райондиз хайирлу хайлин урхурайидар дестну. Дурари, наан ляхин, гъуллугъ таман ап1урашра, Турфарин къялан мектебдин выпускникдин ччвур лайикълуди гъабхура. Турфар чпин выпускникар-ватанагълийириинди уткан ву.

Учредитель:
Администрация МР
«Табасаранский район».

Главный редактор
И.М. Яралиев.
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
Срок подписания в печать по графику - 17.00
Подписано в печать - 17.00

Телефон:
Главного редактора -
8-967-390-76-85.
Адрес электронной почты:
golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию
Тираж 2166
Заказ №